



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

CXCVII. Kurfürst Joachim verleiht an dem Freihause vor dem Schlosse zu
Tangermünde, das der Kastner besitzt, der Gattin desselben ein
Leibgedinge, am 7. Juni 1568.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

CXCVI. Kurfürst Joachim befiehlt den Städten Gardelegen und Tangermünde sich ihres augenscheinlichen Vortheils wegen beim Cönnernischen Bergwerk mitzubetheiligen, am 18. Mai 1560.

Joachim, von gots gnaden Marggraf zu Brandenburg etc. vnd kurfürst etc. — Vnfern grus zuorn. Lieben getrewen, was ewer gesanten Jüngst der erbawung halben des konnerischenn Berckwercks aus ewrm beuelich alhir eingebracht, haben wir zu noturfft vernomen vnd hinwiderumb werdet Ir auch von den selbig verstanden haben, wie wir Inen allen misuerstandt, darinnen Ir dieser sachen halben steidt, ablenen lassen. Damit Ir nu euch vnd gemeinen ewrn Stedten selbst zum nachtheill vnd ewigen vnheill auff sollichen myfzuerstandt aus vnwissenheit nicht verharret, Als beuelen wir ernstlichen vnd bey meidung vnserer straff vnd vngnade, das Ir ewer gesanten, Inmassen der nehst abschiedt alhir gewesen, vngeachtet ob Ir euch villichte mit den andern vnfern altmerckischenn Stedten einer andern meinung sonsten mochtet vorglichen haben, Gegin den Sontag exaudi schirften oder Je zum lengsten Montags darnach gein konneren gewizlich abfertiget vnd Inen volle macht gebet, gemeines Berckwercks notturfft neben vns, vnfern freuntlichen lieben Szone, dem Ertzbischoff, vnd den andern endlich zulieffen, wirdt euch vngezweifelt zu ewerm aufnemen vnd gediehen nichts minders als vns selbst vnd den andern, so dieses Berckwercks notürffigenn bericht vnd vorstandt haben, gereichen: Dan wir in warheit In dieser sachen nicht anders den ewer vnd gemeiner vnserer Stedte nutz vnd wol fart neben den vnfern suchen vnd euch nicht weniger dan weiter beschwerungen hirdurch auflegen wollen. Sollet Ir aber auff voriger ewer meinung vnd weigerung beharlich beruhen vnd vnfern getrewen wolmeindlichen radt vorechtlich auslahen vnd dardurch ewer Stedte vnd Ratheuer gedyeen vorhindern, Als vorwarnen wyr euch hirmitt, das die Jennigen, so sollichs itzo mit vnzeitigen klügelen vorurfachen, den Stedten vnd heuferen allen schaden, darinnen fye dardurch gefürt werden, hinwiderumb vnweigerlich gelten vnd zalen sollen, darob wir endlich vnd vnnachlelslich zu halten bedacht sein. Sonsten feindt wir euch In gnaden geneigt. Datum Coln an der Sprew, Sonnabents nach Cantate, anno etc. LX.

Commissio propria M. Dom. Electoris.

Ahn Ratt zu Gardelege vnd Tangermünde.

Aus dem alten Tangermündeschen Stadtbuche.

Das Copialbuch leitet diesen Erlaß des Kurfürsten mit der Notiz ein: Nachdem viell vnd mannigfaltige disputaciones vnd rede gehalten von wegen des konnegrischen Berckwercks, sich auch die Stedte hart dawider geleet vnd nicht dorein willigen wollen, haben sie doch letztlich darin willigen müssen.

CXCVII. Kurfürst Joachim verleiht an dem Freihause vor dem Schlosse zu Tangermünde, daß der Raffner besitz, der Gattin desselben ein Leibgedinge, am 7. Juni 1568.

Wir Joachim, Churfürst etc., Bekennen etc., Nachdeme wir das Freihaus auf der freiheit vor vnserm Schloß zw Tangermünde, zwischen Hans von Minden vnd Hieronimi Stauden,

feligen, heuern gelegen vnd durch Todtlichen abganck Henningk Hennigs feligen an vns vor-
 ledigt, Vnfern Castner dofelbft zw Tangermunde vnd lieben getreuen Peter Guntzen zu Le-
 hen widderumb vorschrieben vnnnd voreigent, das wir demnach seine hausfrawe Dorotheen mit
 demselben haufe auf sein vnterthenigs fuchen beleibgedingt haben vnnnd also, wo sie berurts Ires
 Ehelichen Mannes todt erleben wurde, das sie solch haus alsdan Zeit Ires lebens zu Rechten leib-
 gedinge haben, besitzen, gebrauchen vnnnd geniessen moge, wie Leibgedings Recht vnnnd gewonheit
 ist, vor Ires Mannes erben vnd menniglichs vngehendert. Vnd wir der Landesfurf vnd Lehenherre
 vorleihen vnnnd Reichen gedachts Petro Guntzen Eheliche hausfrawen solch haus mit aller zu-
 gehorunge frey vnd gerechtigkeit allenthalben, wie obstehet, hiemit In diesem Brieffe gantz Kref-
 tiglichen vnd geben Ir des zum einweiser vnfern hoff vnd Landtrichtern der Altenmarck vnnnd lie-
 ben getrewen Joachim Stauden, Alles getreulich vnnnd vngenerlich. Vrkundtlich etc. Montags
 nach Exaudi, Anno etc. LXVIII.

Nach dem Copiaro des Schurmärk. Lehusarchives No. 34. u. 38., fol. 243.

[Faint, illegible text, likely bleed-through from the reverse side of the page.]